

Kumpulan TechKAL UMS-KAL juara KIK UMS 2011

NST 21-12-2011 4

LABUAN: Kumpulan TechKAL, Bahagian Pembangunan dan Penyelenggaraan (BPP), Universiti Malaysia Sabah, Kampus Antarabangsa Labuan (UMS-KAL) menjuarai Konvensyen Kumpulan Inovatif dan Kreatif (KIK) peringkat UMS yang diadakan di Dewan Kuliah Perdana Satu, UMS, baru-baru ini.

Kumpulan itu diwakili oleh Jorin Matawas, Mohd Azrie Tanjong, Abd Sofian Abd Ghani, Mohd Firdaus Anson, Nurazeyhan Aman, Herman Lairi, Arther Balingi, Norfizan Norisan, Rayme Musa, Mohd Ali Kassim, Is-

mail Alimin dan Hassan Suliman.

Kumpulan TechKAL muncul juara kategori Teknikal dengan tajuk pembentangan Papan Lut Sinar selain menduduki tempat ketiga melalui projek Mengurangkan Air Kototor Yang Masuk Ke Dalam Tangki Air Kolej Kediaman.

Jorin Matawas yang juga Jurutera Kanan UMS-KAL turut dinobatkan sebagai pemenang Anugerah Fasilitator Terbaik kategori Teknikal.

Kumpulan TechKAL UMS-KAL juga turut meraih Anugerah Inovasi Terbaik kategori Teknikal.

Mereka juga akan mewakili UMS bagi kategori Teknikal ke peringkat kebangsaan di Universiti Islam Antarabangsa Malaysia (UIAM) di Gombak, Selangor pada 6 hingga 8 Mac 2012.

Hadiah kepada pemenang disampaikan oleh Pengarah UMS-KAL, Prof Dr Shariff Abdul Kadir Omang yang mewakili Naib Canselor UMS, Prof Datuk Seri Panglima Dr Kamaruzaman Ampon.

Hadir sama Ketua Pustakawan UMS, Dg Rukiah Ag Amit dan Ketua Timbalan Pendaftar UMS, No'man Datuk Ahmad.

Naib johan kategori Teknikal dimenangi oleh Eureka HRD Solution (Seksyen Perkhidmatan, Jabatan Pendaftar) dan keempat, Pinakol (Jabatan Hal Ehwal Pelajar).

Sementara itu, bagi kategori Pengurusan, tempat pertama disandang oleh pasukan Nexus yang mewakili Seksyen Perjawatan, Jabatan Pendaftar, naib johan Regiment (Seksyen Perkhidmatan, Jabatan Pendaftar), ketiga Octoprime (Jabatan Perkhidmatan Akademik) dan keempat kumpulan Green (Jabatan Pembangunan dan Penyelenggaraan).

Johan bagi setiap kategori menerima hadiah berupa wang tunai RM2,000, piala dan sijil, naib johan RM1,000 dan ketiga RM750 berserta sijil.

Pertandingan KIK itu diadili oleh Fahreni Mustafa dari Unit Pemodenan Tadbiran dan Perancangan Pengu-

rusan (MAMPU) Cawangan Sabah, Khairan Untoh (SIRIM Berhad Cawangan Sabah dan Edward Binty (Perbadanan Produktiviti Malaysia (MPC) Wilayah Sabah. —
OLEH JAINUDIN DJIMIN —
jainudin@newsabah-times.com.my



TERBAIK ... Kumpulan TechKAL yang menjuarai Konvensyen Kumpulan Inovatif dan Kreatif UMS 2011 bergambar bersama Prof Dr Shariff (tujuh, kanan).